

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӦН

ИНДӦД

**Коми Республикаса канму гражданскӧй служба сӧвмӧдӧм вылӧ
веськӧдӧм экспериментъяс котыртан пӧрадок
да найӧс нуӧдӧм дорӧ корӧмъяс йылысь**

«Россия Федерацияса канму гражданскӧй служба йылысь»
Федеральной оланпас, «Коми Республикаса канму гражданскӧй службалӧн
ӧткымын юалӧм йылысь» Коми Республикаса Оланпас серти да Коми
Республикаса канму гражданскӧй службалысь окталунсӧ кыпӧдӧм могысь
шуа:

1. Урчитны Коми Республикаса канму гражданскӧй служба
сӧвмӧдӧм вылӧ веськӧдӧм экспериментъяс котыртан пӧрадок да найӧс
нуӧдӧм дорӧ корӧмъяс 1 №-а содтӧд серти.

2. Лыддыны вынтӧмӧн Коми Республикаса Юралысьлысь ӧткымын
индӧд 2 №-а содтӧдын индӧм лыддьӧг серти.

3. Тайӧ Индӧдыс вынсялӧ сійӧс официальной йӧзӧдан лунсянь.

Коми Республикаса Юралысь

В. Уйба

Сыктывкар

2021 вося лӧддза-номъя тӧлысь 15 лун

77 №

Коми Республикаса Юралысьлөн
2021 во лөддза-номъя төлысь 15 лунся 77 №-а Индөд дорö
1 №-а СОДТÖД

Коми Республикаса канму гражданскöй служба сөвмөдөм вылө веськөдөм
экспериментъяс котыртан

ПÖРАДОК

да найöс нуөдөм дорö корöмъяс

1. Тайö Пöрадокöн «Россия Федерацияса канму гражданскöй служба йылысь» 2004 во сора төлысь 27 лунся 79-ФЗ №-а Федеральнöй Оланпаслөн 66 статья, «Коми Республикаса канму гражданскöй службалөн öткымын юалöм йылысь» Коми Республикаса 2005 во рака төлысь 5 лунся 10-РЗ №-а Оланпаслөн 15 статья серти урчитсьöны Коми Республикаса канму гражданскöй службаöс котыртöм да Коми Республикаса канму гражданскöй служащöйяслысь уджсö могмөдөм дорö выль ногъясөн вöдитчöм серти экспериментъяс котыртан пöрадок (водзö – экспериментъяс), Коми Республикаса канму власьт органын, Коми Республикаса мукöд канму органын (водзö – канму орган), сылөн асшöр тэчас юкöдулын либö мутас органын либö öткымын канму органын экспериментъяс нуөдөм дорö корöмъяс.

2. Экспериментъяссö нуөдöны сы могысь, медым:

а) апробируйтны да пыртны выль веськөдлан технологияс, кытчö пырöны канму органлысь уджсö планируйтан да сьöмөн могмөдан, Коми Республикаса канму гражданскöй службалысь (водзö – гражданскöй служба) кадрöвöй состав лöсьöдан да Коми Республикаса канму гражданскöй служащöйяслысь (водзö – гражданскöй служащöйяс) уджсикас серти служебнöй уджсö ышöдан выль методъяс.

б) гражданскöй служащöйяслысь уджсикас серти служебнöй удж петкөдласьяслысь система да донъялан муртöсьяс апробируйтöм да

пыртöм;

в) гражданскöй служащöйяслы уджысь мынтысьöмсö бурмöдöм да налысь уджсö регламентируйтöм;

г) канму органлысь либö сылөн мутас органлысь тэчассö да штат лыдсö оптимизируйтöм;

д) гражданскöй служащöйясöс дасьтан да уджсикас серти сöвмöдан система бурмöдöм;

е) юöртан да коммуникация технологиясөн вöдитчöмөн кадрöвöй удж збыльмöдан методьяс апробируйтöм;

ж) гражданскöй служащöйясөн уджсикас серти служебнöй удж дистанционнöя збыльмöдöмсö апробируйтöм;

з) мукöд могöдз воöдчöм, кутшöмьяс йитчöмаöсь гражданскöй служба сöвмöдöмкöд да гражданскöй служащöйяслөн уджсикас серти служебнöй уджлысь окталунсö кыпöдöмкöд.

3. Экспериментьяс нуöдан условиясыс да кадколастьясыс урчитсьöны Коми Республикаса Юралысьлөн инöда актөн, кöни индысьсöны канму органлөн, сылөн асшöр тэчас юкöдувлөн либö мутас органлөн ним, кöни вöзйöны нуöдны экспериментсö, экспериментлөн шöр могьяс, могьяс да сюрöс опишитöм, сйöс нуöдан кадколастьяс да сьöмөн могмöдан öшмöсьяс, индысьсö кывкутысь морт. Сэк, кор экспериментсö вöзйöны нуöдны некымын канму органын, Коми Республикаса Юралысьлөн инöда актын сідзжö индысьсöны тайö органьяслөн нимьяс да урчитсьö, кодi тайö канму органьяс пиысь лоас эксперимент координируйтысьöн.

4. Эксперимент нуöдöмкöд йитчöм рöскодсö сьöмөн могмöдöны сьöмкуд ассигнованиеяс тшöт весьтö да мындаын, кутшöмьясöс урчитöма лöсялана канму органьяслы Коми Республикаса республиканскöй сьöмкудйын.

5. Экспериментсö нуöдöны канму органын, сылөн асшöр тэчас юкöдулын либö мутас органын либö некымын канму органын план-график

серти, кутшöмöс вынсьöдö канму органöн юрнуöдысь (эксперимент координируйтись канму органöн юрнуöдысь) (водзö – план-график) эксперимент нуöдöм йылысь Коми Республикаса Юралысьлысь инöда акт лэдзан лунсянь 20 лунъя кадколастö.

6. План-графикын индысьöны:

а) эксперимент нуöдан кадколастъяс да форма;

б) эксперимент нуöдан тшупöдъяс да быд тшупöдысь виччысяна бöртасъяс;

в) экспериментлöн бöртасъяс бöрся видзöдан да налысь збыльлунсö могмöдан средствояс;

г) ставнас экспериментлöн да сылöн быд тшупöд серти торйöн кывкöртöдъяс серти отчётносът формаяс;

д) быд тшупöдын экспериментсö кадръясöн, экономика боксянь, материально-техническöя да наука боксянь могмöдöм серти мыччöдъяс;

е) чина морт, кодi кывкутö эксперимент нуöдöмысь, а сiдзжö чина йöз, кодъяс кывкутöны экспериментлысь быд тшупöд нуöдöмысь;

ж) эксперимент нуöдöм серти виччысяна бöртасъяс.

7. Гражданскöй служащöйяс экспериментын участвуйтöны ас кöсйöм серти.

8. Эксперимент нуöдан период вылö, но öти воысь абу унджык вылö, Россия Федерацияса оланпастэчасöн урчитöм пöрадокын вермöны вежсьыны гражданскöй служащöйяслöн – экспериментын участвуйтысьяслöн служебнöй контрактъясса условиеясыс.

9. Эксперимент нуöдан период вылö гражданскöй служащöйлöн – экспериментын участвуйтысьлöн служебнöй контрактлысь условиеяссö вежöны сёрнитчысьяслöн артмöдчöм серти да гижöда формаын. Служебнöй контрактлысь условиеяссö вежöмыс оз вайöд гражданскöй служащöйöс – экспериментын участвуйтысьöс сьöмөн видзан мында чинтöмöдз эксперимент заводитчигöн сiйöс сьöмөн видзан мында серти, а сiдзжö тайö гражданскöй служащöйöс ичöтджык чин вылö вуджöдöмöдз

сійö чин сертияс, кутшöмын сійö уджаліс эксперимент заводитчигөн.

10. Чина морт, кодi кывкутö эксперимент нуöдöмысь, канму органлөн (эксперимент координируйтись канму органлөн) лöсялана акт подув вылын:

а) план-график вынсьöдан лунсянь 10 уджалан лунысь оз сёрджык вынсьöдö эксперимент нуöдан шöракостса планьяс да видзöдö найöс олöмö пöртöм бöрся;

б) могмöдö эксперимент нуöдöм серти колана котыртан, методической да материальной условиеяс.

11. Эксперимент мунöм да сылөн бöртасьяс йылысь юöрсö йöзöдöны Коми Республикалөн официальной сайтын да (либö) канму органлөн (эксперимент координируйтись канму органлөн) официальной сайтын «Öтуввез» юöртан да телекоммуникация везйын.

12. Канму органын (канму органьясын), сылөн асшöр тэчас юкöдулын либö мутас органын эксперимент нуöдöм йылысь кывкöрталан отчётыс эксперимент помасян лунсянь öти тöлысь чöжөн вынсьöдсьö канму органөн юрнуöдысьөн (эксперимент координируйтись канму органөн юрнуöдысьөн) да сетсьö Коми Республикаса Юралысьлы.

13. Тайö Пöрадоклөн 12 пунктын индöм кывкöрталан отчётö пырöны:

а) мероприятиеяс опишитöм, кутшöмьясöс збыльмöдiсны эксперимент нуöдiгөн;

б) эксперимент нуöдiгөн шедöдöм шöр могьяс да решитöм могьяс йылысь тöдмөгьяс;

в) мукöд канму органын да налөн мутас органьясын экспериментлөн бур бöртасьясөн вöдитчан позянлуньяс, пöрадок да формаяс йылысь тöдмөгьяс;

г) экспериментлөн бöртасьяс серти гражданской служба нормативной инöда ладмöдöмсö бурмöдöм йылысь вöзйöмьяс;

д) экспериментлөн бöртасьяс серти гражданской службалысь

окталунсö кыпöдöм йылысь вöзйöмъяс;

е) эксперимент нуöдöм вылö Коми Республикаса республиканскöй сьöмкудйысь видзöм сьöм йылысь тöдмöгъяс;

ж) эксперимент нуöдысь канму органöн (эксперимент координируйтись канму органöн) урчитöм пöрадокын нуöдöм экспериментлөн бöртасьяс йылысь асшодья экспертизалөн заключение.

Коми Республикаса Юралысьлӧн
2021 во лӧддза-номъя тӧлысь 15 лунся 77 №-а Индӧд дорӧ
2 №-а СОДТӐД

Коми Республикаса Юралысьлӧн вынтӧмӧн лыддьӧм ӧткымын индӧд
ЛЫДДЬӐГ

1. «Коми Республикаса канму гражданскӧй служба сӧвмӧдан республиканскӧй уджтасьяс збыльмӧдӧгӧн экспериментьяс нуӧдан пӧрадок йылысь положение вынсьӧдӧм йылысь» Коми Республикаса Юралысьлӧн 2008 во вӧльгым тӧлысь 7 лунся 112 №-а Индӧд.

2. «Коми Республикаса канму гражданскӧй служба сӧвмӧдан республиканскӧй уджтасьяс збыльмӧдӧгӧн экспериментьяс нуӧдан пӧрадок йылысь положение вынсьӧдӧм йылысь» Коми Республикаса Юралысьлӧн 2008 во вӧльгым тӧлысь 7 лунся 112 №-а Индӧдӧ вежсьӧмьяс пыртӧм йылысь» Коми Республикаса Юралысьлӧн 2010 во ӧшым тӧлысь 10 лунся 178 №-а Индӧд.